



833453

漢書辨疑卷十四

嘉定錢大

地理志上

隨山栒木

栒今作刊借用耳說文栒槎識也夏書曰隨山栒

木栒篆文

中繇木條

說文中艸木初生也古文或以爲艸字繇說文作

蘇云艸盛兒

浮于汶達于沛

案上文兗州下文揚州達皆作通此疑亦當

作通

滎波既豬

波史記作播皆借用字說文潘水名在河南滎陽

禹貢滎潘同稱卽此潘矣

漢書辨疑卷十四

岷嶓既藝

岷閩本作嶓注同下文嶓山皆作嶓閩本是

又東至于荷

荷當依說文作荷

二百里納錕

納南雍本閩本作內上下文皆爲內此納字誤

京兆尹

平帝紀元始四年分京師置前輝光後丞烈二郡

長安 本名咸陽秦所都水北曰陽其地在渭水之北

戶八萬八千二百二十四萬六千二百 縣之戶口兼書者惟京

兆之長安馮翊之長陵扶風之茂陵潁川之陽翟雋陵五縣


耳書戶不書口者惟河南之雒陽南陽之宛蜀郡之成都魯

國之魯楚國之彭城五縣其他俱不書戶口

新豐高祖七年置

史記本紀作十年置非也新豐爲太上皇

而設漢之十年太上皇已崩矣





華陰 續志屬恆農

太華山在南有祠豫州山 禹貢山川及職方山鎮巨浸數澤

志特標明之

鄭 說文鄭周厲王子友所封宗周之滅鄭徙澮洧之上今新

鄭是也

湖 後漢屬恆農劉昭曰前志有鼎湖

故曰胡武帝建元年更名湖 建元下脫一字太平寰宇記作

建元元年

下邳 隴西有上邳故此云下

南陵沂水出藍田谷北至霸陵入霸水 據說文及水經注攷

之是澗水也師古音沂爲先歷反未之攷耳

漢書辨疑卷十四

奉明宣帝置 史皇孫奉明園在此縣本名廣明元康元年改

杜陵故杜伯國 杜伯事見墨子

左馮翊衙 漢蒼頡廟碑作御

粟邑 薛宣傳云縣小僻在山中

鄜 說文鄜左馮翊縣从邑麋聲俗作鄜非是

頻陽秦厲公置 厲當作其薛宣傳云北當上郡西河爲數郡

湊

臨晉內鄉故芮國 通典同州馮翊縣古芮國

沈陽 據水經注當作沈陽

襄德荆山下有疆梁原 王念孫曰疆梁當作荆渠

長陵 續志屬京兆



陽陵 續志屬京兆

雲陽有越巫姑鄭祠三所 三史拾遺曰姑廣韻作姑从卯从  
卯皆無意義當是姑之譌說文辜辜也古文作姑周禮大宗  
伯以醯辜祭四方百物鄭司農云披磔牲以祭若今時磔狗  
祭以止風姑鄭蓋醯辜之遺制與說文占部又有喆字訓爲  
枯音義亦近

右扶風高帝二年更爲中地郡九年罷 案公卿表高帝十年  
尚有中地守宣義疑非九年罷也

槐里有黃山宮 西京賦云繞黃山而款牛首

鄠古國有扈谷亭 亭上脫甘字說文扈夏后同姓所封戰于

甘者在鄠有扈谷甘亭水經渭水注云甘水又北逕甘亭西

漢書辨疑卷十四

三

國風雅書局

昔夏啟伐有扈作誓於此亭是鄠與扈同故云古國也

鄠水出東南 說文鄠周文王所都在京兆杜陵西南通典鄠

今京兆府長安縣西北靈鄉豐水上

又有澗水皆北過上林苑入渭 說文澗水出扶風鄠北入渭

與此相符則澗當作澗矣說文又有澗字注云水名在京兆

杜陵此別是一水非入渭之水也

藜周后稷所封 說文邵炎帝之後姜姓所封周棄外家國右

扶風藜縣是也邵藜古字通左傳魏貽芮岐畢又作貽亦段

借用之

美陽中水鄉 說文邽周大王所封在右扶風美陽中水鄉水

經注岐水歷周原下北則中水鄉成周聚水北卽岐山



郿 郡縣志云本秦縣今縣東二十五里有故城今縣周天和元年築縣在渭水南一里縣治城南當斜谷

入蒙籠渠 籠當作龍

雍秦惠公都之 惠當作惠史記秦本紀德公元年初居雍城

大鄭宮水經注亦云德公

大昊黃帝以下祠三百三所 郊祀志雍舊祠二百三所此三字誤應爲二百

漆水在縣西 說文漆水出右扶風杜陵岐山東入渭案徐廣及十三州志竝云出杜陽岐山海經云嶽次之山漆水出焉水經云出杜陽兪山兪兪同字則兪山疑岐山旁之小山矣叔重以爲杜陵杜陵在京兆非扶風顯係傳寫之誤

漢書辨疑卷十四

四 廣雅書局宋

汧吳山在西 封禪書有吳岳徐廣曰在汧

汧水出西北入渭 水經注渭水東與楚水合世所謂長蛇水出汧縣之數歷山南流注于渭關駟以爲汧水焉

芮水出西北東入涇 周禮職方雍州其川涇汭郡縣志涇州良原縣有汭水一名宜祿川西自隴州華亭縣流入

安陵 關駟以爲本周之程邑案程與郢同文王卒于郢是此地矣

茂陵武帝置 水經渭水注云茂陵縣武帝建元二年置地理志曰宣帝縣焉今作武帝置或後人因水經注追改邪

武功大壹山古文以爲終南 左傳昭四年作中南案張平子西京賦終南太一隆嶺崔宰潘岳西征賦九畹蔽薛太一籠



崑崙山終南而背雲陽跨平原而連嶓冢則終南太一不得謂之一山李善曰終南南山之總名太一一山之別號其說差近

至南鄭入河 至上應有南字

有垂山斜水淮水祠 淮疑當作雍

莽曰新光 案莽傳云以武功縣爲安漢公采地名曰漢光邑

其後莽改國號爲新故爲新光

弘農郡弘農衙山領下谷 衙山領郡國志注作衙領非

廬氏熊耳山在東伊水出 出上當有所字

又有育水南至順陽入河 育水亦謂之均水水經均水出析

縣北山南人于河注云均水發原廬氏縣熊耳山縣卽析縣

漢書辨疑卷十四

五 廣雅書局

之北鄉故言出析縣之北山下文丹水東至析入鈞鈞卽育水也

陝西號在雍州 州字衍左氏傳隱元年鄭人以號師伐衛杜

注號西號也弘農陝縣東南有號城

丹水 續志屬南陽

新安 本紀元鼎三年冬徙函谷關于新安以故關爲弘農縣

商 續志屬京兆

析 續志屬南陽

上雒 續志屬京兆

河東郡秦置 案河東魏豹地漢二年虜豹始置薛宣傳云拜

河東都尉趙護爲廣漢太守今此郡諸縣不言有都尉治或



是闕文河南河內河東皆屬司隸謂之三河丞相遣史刺之  
故田叔傳云使刺三河也此郡當云屬司隸

縣二十四 尹翁歸傳云河東二十八縣分爲兩部閎孺部汾  
北翁歸部汾南今云二十四蓋元始時縣數如此

大陽吳山在西北有吳城 吳城郡國志作虞城吳虞古字通  
左邑莽曰兆亭 水經注作洮亭

聞喜故曲沃武帝行過更名 武帝紀元鼎六年至左邑桐鄉

聞南越破以爲聞喜縣三國志高貴鄉公詔曰漢孝武元鼎  
中改桐鄉爲聞喜新鄉爲獲嘉以著南越之亡據此是武帝  
以左邑之桐鄉特置此縣非改曲沃縣爲聞喜也

平陽 平陽之封至後漢猶未絕也疑脫侯國二字

漢書辨疑卷一四

六 廣雅書局

襄陵有班氏香亭 水經注汾水又南歷襄陵縣故城西晉大

夫卻犢之邑也故其地有犢氏鄉亭矣據此則班當爲犢香  
當爲鄉

騏侯國 駒幾所封表注北屈疑北屈分置

太原郡秦置 秦本紀莊襄王四年初置太原郡始皇本紀八

年又以河西太原郡更爲毒國漢初屬西魏二年虜魏豹始  
置

有家馬官 案百官表太僕屬官已有家馬太原復有之又在

邊郡六牧師苑之外矣

龍山在西北有鹽官晉水所出東入汾 案太原郡下已有鹽

官在晉陽此處有鹽官三字衍文水經汾水過晉陽縣東晉



水從縣南東流注之

汾陽北山汾水所出南至汾陰入河 案山海經云管涔之山  
汾水出焉水經云汾水出汾縣北管涔山西至汾陰縣北西  
入于河然則北山即管涔山矣

大陵 史記衛綰傳云綰代大陵人知故屬代郡

原平 續志屬雁門

上艾 續志屬常山

廣武 續志屬雁門

河主賈屋山在北 本志雁門郡句注山在陰館廣武與陰館  
毗連故載之婁敬傳是時漢兵以踰句注夏侯嬰傳從擊胡  
騎句注北是也此作河主誤

漢書辨疑卷十四

七

廣雅書局

上黨郡秦置 高帝二年定魏地置郡之屬縣無都尉治案杜

業傳左遷上黨都尉

屯雷桑欽言絳水出西南東入海 海當作漳

余吾 續志無李賢曰余吾故城在今潞州屯雷縣西北

沾大屯谷清漳水所出 屯當作爽古要字

高都堯谷丹水所出東南入洹水 據水經注當作絕水閩本

作絕

河內郡朝歌 劉昭曰前書注云鹿臺在城中今本脫

隆慮國水東北至信成 水經洹水出上黨洹水縣東過隆慮

縣北據此則國當作洹

河南郡故秦三川郡 秦本紀莊襄王二年初置三川郡其後



李由爲三川守司馬貞曰地有伊洛河故曰三川

莽曰保忠信鄉 莽曰上脫口數鄉莽傳作卿

雒陽春秋昭公二十一年 當作三十二年

莽曰宜陽 莽傳作義陽

滎陽 王莽傳云以陳雷以西付祈隧祈隧故滎陽據此疑脫

莽曰祈隧四字隧與隊同莽置六隊河南亦在其中是滎陽

乃祈隊大夫治

偃師莽曰師成 水經穀水注師成作師氏

中牟有筦叔邑 當作有筦城故筦叔邑括地志鄭州管城縣

今州外城卽管國城叔鮮所封

河南故邾鄆地 國語晉文公定襄王于邾韋昭曰洛邑王城

漢書辨疑卷十四

之地也

穀成 續志屬東郡

密有大隗山澗水所出南至臨潁入潁 說文澗水出河南密

縣大隗山南入潁又有澗字云水出河南密縣東入潁蓋說

文重出此字水經注無澗水也

東郡秦置 秦始皇本紀二年初置東郡

縣二十二 史記信陵君傳秦使蒙鶩攻魏拔二十城初置東

郡始皇本紀同是秦時領縣二十也

濮陽應劭曰濮水南入鉅野 據水經濟水注濮水南入鉅野

句係本注應劭曰三字疑衍

荏平 續志屬濟北國



東武陽 泰山有南武陽故此云東

禹治漯水 治當作貢

離狐 續志屬濟陰

須昌 續志屬東平國

壽良 續志屬東平國

蚩尤祠在西北 壽良縣西北卽東平陸監鄉

白馬 戴延之西征記云白馬故城衛之漕邑

南燕南燕國姑姓 下南燕二字疑誤當云故國羅泌曰南燕

伯爵伯儵國后稷妃南燕姑氏也今滑之胙城東北漢南燕

縣隨改曰胙

廩邱 續志屬濟陰

漢書辨疑卷十四

九 廣雅書局

陳畱郡陳畱渠水首受狼湯渠東至陽夏入渦渠 渦說文

作過云水受淮陽扶溝狼湯渠東入淮

靈陵 續志屬梁國

襄邑有服官 司馬彪輿服志云衣裳玉佩備章采乘輿刺史

公侯九卿以下皆織成陳畱襄邑獻之云

封邱濮渠水首受沛 關駟曰首受別沛北沛也

長羅侯國 常惠所封李賢曰故城在今滑州匡城縣東北

僞 續志屬梁國

濟陽 孝景中六年封梁孝王子明爲濟川王濟陽其國都也

潁川郡秦置 始皇本紀十七年內史騰攻韓盡納其地以其

地爲郡命曰潁川



昆陽 南陽魯陽有昆水東南至定陵入汝縣在昆水之陽也  
穎陽應劭曰穎水出陽城 案陽城山洧水所出非穎水也穎  
水出陽城之陽乾山

戍安侯國也 郭忠所封也字衍

周承休侯國 姬延年所封姬嘉初封周子南君至初元五年

由君而進爵耳其地未之改也表注長社蓋析長社置

元始二年更名鄭公 二當作四鄭當作祗說詳恩澤侯表

休音許虬反 休字上脫師古曰三字

汝南郡莽曰汝汾分爲賞都尉 三史拾遺曰案王莽傳有賞

都大尹王欽則賞都乃郡名後人誤添尉字耳宜祿縣莽改

曰賞都亭亦賞都爲郡名之一證

漢書辨疑卷十四

十

國朝書局

陽城侯國 平干頃王子劉田所封

滎強 滎說文作滎云水出潁川陽城少室山東入潁水經滎

水出滎強縣南澤中東入潁注云滎水出潁川陽城縣少室

山東流注于潁水而亂流東南經臨潁縣西北小滎水出焉

女陽 女古汝字下女陰同

安成侯國 王崇所封

細陽 水經潁水注引地理志云細水出細陽東南入潁今無

此文細說文作泗云水出汝南新鄆入潁

宜春侯國 王訴所封豫章亦有宜春續志汝南之宜春有北

字

女陰故胡國 胡下當有子字



新息 息說文作鄖云姬姓之國在淮北

濯陽 水經濯水出吳房縣西北與山東入汝注濯入颯颯入

汝

弋陽侯國 任宮所封

歸德侯國 先賢禪所封

安昌侯國 張禹所封

安陽侯國 未詳何人封國攷王子侯表元朔三年封濟北貞

王子樂為安陽侯傳至元孫亡後濟北封域不能至汝南且

表中明注平原必非汝南之安陽矣

博陽侯國 莽曰樂家 丙吉所封樂家水經注作樂嘉

成陽侯國 楚思王子眾所封

漢書辨疑卷十四

定陵高陵山汝水出 出上當有所字淮南子汝出猛山注猛

山一名高陵山在汝南定陵縣諸書惟淮南子注與漢志合

山海經則云汝水出天息山在梁勉鄉西南入淮極西北一

曰淮在期思北郭注云今汝水出南陽魯陽縣大孟山東北

至河南梁縣東南經襄城潁川汝南至汝陰襄信縣入淮說

文解字則云汝水出恆農盧氏還歸山東入淮水經與山海

經同杜預釋例與郭注同皆與班志不合

南陽郡秦置 秦本紀昭襄王三十五年初置南陽郡

宛戶四萬 閩本作四十萬誤

杜衍 續志無李賢曰杜衍故城在今鄧州南陽縣西南

鄧侯國 蕭慶所封何曾孫



育陽 育水名說文作涪

博山侯國故順陽 孔光所封表亦注順陽蓋哀帝改順陽為博山以封光國除之後仍為順陽縣耳應劭以為明帝改曰順陽誤矣

堵陽 水經涪水注引地理志堵陽有堵水今無此文

雉衡山澧水所出東至鄜入汝 鄜當作鄜潁川縣也師古音

屋誤矣

舞陰中陰山瀨水所出東至蔡入汝 中陰誤說文作中陽蔡

當作上蔡

穰 說文作鄴

鄴育水出西北南入漢 說文涪或曰出鄴山西

漢書辨疑卷十四

十三 廣雅書局

安眾侯國 長沙定王子丹所封

隨厲鄉故厲國也 厲即賴也左傳僖十五年齊師曹師伐厲

杜注厲楚與國義陽隨縣北有厲鄉桓十三年楚子使賴人

追之杜注與伐厲同昭四年經云楚伐吳遂滅賴公羊作厲

是古字通

魯陽魯山澁水所出 魯山誤說文澁水出堯山據水經注當

有莽曰魯山四字

舂陵侯國 長沙定王子買所封建武十八年更名章陵

新都侯國 王莽所封南陽新野之都鄉也

紅陽侯國 王立所封

樂成侯國 許延壽所封表注平氏蓋析平氏置



博望侯國 許舜所封

復陽侯國 長沙頃王子延年所封

南郡高帝元年更爲臨江郡 臨江下郡字當作國項羽封共

敖爲臨江王

江陵秦拔我郢徙東 東當作陳頃襄王徙陳

秭歸歸鄉故歸國 國上當有子字

江夏郡下雉 南陽有雉故此加下

鍾武侯國 長沙頃王子度所封續志屬零陵永建三年更名

重安

廬江郡淮水出 淮當作瀘水下當有所字說文瀘水出廬江

入淮

漢書辨疑卷十四

十三

廣雅重昌同宋

濞 續志作潛古字通尚書江沱潛漢書作濞

松茲侯國 六安共王子霸所封

九江郡當塗侯國 魏不害所封

注禹所娶塗山侯國也 侯字衍

博鄉侯國 六安繆王子交所封

曲陽侯國 王根所封續志作西曲陽

山陽郡戶十七萬二千八百四十七口八十萬一千二百八十

八 案張敞傳云戶九萬三千口五十萬以上戶口懸殊蓋

孝平時戶口增衍實數如此

南平陽 泰山有東平陽故此云南

成武 續志屬濟陰



湖陵禹貢浮于泗淮通于河 泗淮當作淮泗河當作荷卽禹  
貢荷澤也

注章帝封東平王倉子爲湖陵侯更名湖陵 倉當作蒼陵皆  
當作陸

單父 續志屬濟陰  
薄 續志屬梁國

都關 閩本注君美二字未詳都有美義或是莽曰君美歟  
城都侯國 王商所封

黃侯國 梁敬王子順所封  
爰戚侯國 趙長年所封

郟成侯國 宋祁以爲郟成之譌王奉光所封大昭案說文郟  
漢書辨疑卷十四

郟地在濟陰縣濟陰與山陽其地相近郡國志濟陰成武有  
郟城蓋國除之後并於成武而成武改屬濟陰故許叔重以  
爲濟陰地也宋說是

中鄉侯國 梁敬王子延年所封  
平樂侯國 梁敬王子遷所封

淮水東北至沛入泗 淮當作泡水經注云泡水卽豐水之上  
原也沛當作沛說文泡水出山陽平樂東北入泗

鄭侯國 梁敬王子罷軍所封  
菑鄉侯國 梁敬王子就所封

栗鄉侯國 東平思王子護所封  
曲鄉侯國 梁荒王子鳳所封



西陽侯國 東平思王子竝所封

濟陰郡禹貢荷澤在定陶東 湖陵但有河水非澤所鍾故載

於此禹貢之導荷澤正在定陶

成陽有義家 成陽故屬梁爲陳太后湯沐邑元胡中有罪奪

屬濟陰家當作冢鄭氏詩譜云昔帝堯嘗游成陽死而葬焉

禹貢雷澤在西北 據詩譜正義所引知此雷下脫夏字

稔 說文作廡

沛郡廣成侯國 楚孝王子勳所封續志屬彭城

下蔡 舊志屬九江

豐 郡國志豐有枌榆亭注引前志注枌榆社在縣東北十五

里今無此文

漢書辨疑卷十四

五

廣雅書局宋

公丘侯國 魯共王子順所封

敬丘侯國 魯共王子政所封

夏丘 續志屬下邳

汶侯國 趙敬肅王子周舍所封

莽曰有成 閩本作育成大昭謂有育皆非也當作育成鄆曰

單城鄆曰斬城皆其例矣

建成侯國 黃霸所封

城父 續志屬汝南

建平侯國 杜延年所封

鄼 當作鄼說文鄼沛國縣蕭何封國

栗侯國 趙敬肅王子樂所封



扶陽侯國 韋賢所封

高侯國 梁敬王子舜所封

高柴侯國 梁敬王子發所封

平阿侯國 王譚所封續志屬九江

義成侯國 甘延壽所封居攝二年延壽孫遷更為誅郅支侯

表中但云更名不言徙封則此當有莽曰誅郅支五字續志

屬九江

魏郡莽曰魏城 案城亦作成王莽傳有魏成大尹

館陶河水別出為屯氏河東北至章武入海過郡四 案溝洫

志云河北決於館陶分為屯氏河東北經魏郡清河信都勃

海入海所謂過郡四也

漢書辨疑卷十四

六 廣雅書局

卽裴侯國 趙敬肅王子道所封侯表及說文並作擲裴

邯鄲侯國 趙敬肅王子仁所封

平恩侯國 許廣漢所封水經注引陳畱風俗傳云平恩縣故

館陶之別鄉地節三年置

邯溝侯國 趙頃王子偃所封

鉅鹿郡 王莽分鉅鹿為和戎郡治下曲陽

象氏侯國 趙敬肅王子賀所封

鄆 說文作鄆南雍本闕本于師古曰音苦么反之下有又差

臯反四字今脫

新市侯國 廣川繆王子吉所封續志屬中山國

莽曰市樂 水經注引作樂市



堂陽 續志屬安平國

安定侯國 燕刺王子賢所封

歷鄉侯國 廣川繆王子必勝所封

樂信侯國 廣川繆王子強所封

武陶侯國 廣川繆王子朝所封

柏鄉侯國 趙哀王子買所封

安鄉侯國 趙哀王子喜所封

常山郡元氏沮水首受中邱西山窮泉谷東至堂陽入黃河

沮當作泚說文泚水在常山直尼切史記陳餘傳斬陳餘泚水

上徐廣曰在常山音遲郭注山海經云泚水出常山中巨縣

桑中侯國 趙頃王子廣漢所封

漢書辨疑卷十四

房子贊皇山石濟水所出 石字衍

封斯侯國 趙敬肅王胡傷所封

樂陽侯國 趙頃王子說所封

莽曰暢苗 本或作陽苗非也水經濁漳水注亦作暢苗

平臺侯國 史元所封

都鄉侯國 趙頃王子景所封

清河郡莽曰平河 平河水經淇水注作河平

清陽王都 代孝王孫義徙封清河故有王都志既言王都當

于郡下注云武帝元鼎四年別爲國宣帝地節四年復故今

無此注史闕文

東武城 定襄有武城故加東



靈莽曰播 水經注作播亭

鄒 功臣表俞侯呂它俞侯欒布竝作俞說文作鄒

懋題師古曰懋古莎字 三史拾遺曰秦說文無懋字當是懋

之譌說文懋心疑也讀若易旅瑣瑣莎與瑣音相近

東陽侯國 清河綱王子宏所封

信鄉侯國 清河綱王子豹所封表作新鄉古字通

涿郡涿桃水受首涑水 受首當作首受涑水一名巨馬河水

經巨馬河出代郡廣昌縣涑山東至東平舒縣入海注云卽

涑水也亦曰渠水

南深澤 續志屬安平國

范陽莽曰順陰 順陰水經易水注作通順

漢書辨疑卷十四

十六

廣雅書局

蠡吾 趙廣漢傳涿郡蠡吾故屬河間續志屬中山國

易 續志屬河間

廣望侯國 中山靖王子忠所封

鄭 高陽 續志俱屬河間

州鄉侯國 河間獻王子禁所封

安平 續志屬安平

樊輿侯國 中山靖王子脩所封

成侯國 中山康王子喜所封

良鄉侯國 趙共王子交所封表作梁鄉古字通

利鄉侯國 中山頃王子安所封

臨鄉侯國 廣陽頃王子雲所封



益昌侯國 廣陽頃王子巽所封

陽鄉侯國 廣陽頃王子發所封

西鄉侯國 廣陽頃王子容所封

饒陽 續志屬安平

中水 武垣 續志俱屬河間

阿武侯國 河間獻王子豫所封

高郭侯國 河間獻王子瞻所封

新昌侯國 燕刺王子慶所封

勃海郡屬幽州 勃說文作郭續志改屬冀州

南皮莽曰迎河亭 水經注作逆河亭

定侯國 齊孝王子越所封

漢書辨疑卷十四

章武莽曰桓章 桓章據文義疑是章桓然水經注亦作桓章

參戶侯國 河間獻王子免所封

成平淳池河民曰徒駭河 民疑是或字之譌成平續志屬河

間

柳侯國 齊孝王子陽已所封

臨樂侯國 中山靖王子光所封

東平舒 續志屬河間

安次 續志屬廣陽

脩市侯國 清河綱王子寅所封

文安 續志屬河間

景成侯國 河間獻王子雍所封



東州 續志屬河間

章鄉侯國 謝殷所封

蒲領侯國 清河綱王子祿所封

平原郡平原有篤馬河東北入海五百六十里 入海下疑脫

行字

鬲注讀與耿同 耿南雍本閩本竝作隔

平昌侯國 王無故所封續志作西平昌

羽侯國 濟北式王子成所封

瑗 水經注作援

富平侯國 張安世初封之富平在陳畱其子延壽上書請減

戶邑乃徙封平原國名如故未徙封之前是厭次縣地故東

漢書莽疑卷十四

方朔平原厭次人也

莽曰樂安亭 水經注作安樂亭

合陽侯國 梁喜所封

樓虛侯國 訾順所封水經注作楊墟

龍領侯國 韓說所封

安侯國 濟北貞王子樂所封表作安陽疑陽當作楊是其證

千乘郡千乘 續志屬樂安國

有鐵官 案郡下已注有鐵官矣縣名下又書之疑衍文

溼沃 縣以濕水所經得名今本作溼誤司馬彪魏收皆承其

謬惟水經注作濕沃不誤

平安侯國 王舜所封表傳俱作安平疑誤外戚傳作平安



博昌 蓼城 樂安 續志皆屬樂安國

被陽侯國 齊孝王子燕所封

繁安侯國 齊孝王子忠所封

高宛 續志屬樂安國

濟南郡景帝二年為郡 二年當作三年

般陽 續志屬齊國

朝陽侯國 廣陵厲王子聖所封續志作東朝陽

魏侯國 趙敬肅王子起所封

注蔡暮音由音鶚 由當作曰鶚當作鵝閩本不誤

宜成侯國 燕倉所封

泰山郡汶水出萊毋西入濟 案萊蕪縣下亦載汶水較此加

漢書辨疑卷十四

詳則此八字是衍文

東平陽 山陽有南平陽故此云東

南武陽 東郡有東武陽故此云南

靈陽侯國 魯共王子恬所封續志屬東平

桃山侯國 城陽孝王子欽所封

莽曰哀魯 閩本哀作襄無魯字

桃鄉侯國 東平思王子宣所封

式 當作成續志作成云本國劉昭曰左傳衛師入郟杜預曰

東平剛父縣西南有郟鄉

齊郡利 續志屬樂安

鉅定馬車瀆水 水經注云馬車瀆水今淄水



廣爲山濁水所出 水經注以濁水爲卽灑水

臨胸石膏山洋水所出 石膏山說文作高山水經巨洋水出

朱虛縣太山北過臨胸縣東北入海注云太山郡東小大山

也巨洋水卽國語所謂具水矣

北鄉侯國 苗川懿王子譚所封

平廣侯國 苗川懿王子行所封表作平度誤平度屬東萊不

言侯國

北海郡劇魁侯國 苗川懿王子黑所封賈逵曰川阜曰魁

輒侯國 城陽頃王子息所封

益莽曰探陽 後漢書劉盆子傳注云王莽改北海益縣爲探

湯水經注作滌蕩益續志屬樂安

漢書辨疑卷十四

三 廣雅書局

劇侯國 苗川懿王子錯所封

平望侯國 苗川懿王子賞所封水經注巨洋水東北逕望海

臺伏琛晏謨以爲平望亭在平壽縣故城西北八十里

平的侯國 苗川懿王子强所封

柳泉侯國 膠東戴王子强所封

壽光 續志屬樂安

樂望侯國 膠東戴王子光所封

饒侯國 膠東戴王子成所封表作成康侯饒下注北海北海

無成縣是轉寫者倒其文耳

斟故國禹後 京相璠曰故斟尋國禹後是也後省入平壽今

山東萊州府濰縣東廢斟城是



平城侯國 膠東頃王子邑所封

密鄉侯國 膠東頃王子林所封

羊石侯國 膠東頃王子回所封

樂都侯國 膠東頃王子訢所封

石鄉侯國 膠東頃王子理所封

上鄉侯國 膠東頃王子欽所封

新成侯國 膠東頃王子根所封

成鄉侯國 高密頃王子安所封

膠陽侯國 高密頃王子恁所封

東萊郡曲城陽丘山治水所出南至沂入海 沂字誤當作計

斤計斤琅邪縣

漢書辨疑卷十四

廣雅書局印

當利莽曰來萊亭 來字誤南雍本閩本皆作東

陽樂侯國 膠東頃王子獲所封表誤作樂陽

琅邪郡不其 續志屬東萊

贛榆 續志屬東海

朱虛 後漢永初元年屬北海

靈門壺山涿水所出東北入淮 水經注涿水出涿山世謂之

巨平山淮字誤說文作灘下文橫下折泉下作淮亦誤

虛水侯國 城陽頃王子禹所封

臨原侯國 甯川懿王子始昌所封

琅邪存四時祠 存當作有

祓侯國 城陽頃王子雲所封表作校形相似而誤



柘 續志屬北海

緡侯國 甯川靖王子成所封

寧段侯國 城陽頃王子澤所封

黔陬 續志屬東萊

雲侯國 齊孝王子信所封

稻侯國 齊孝王子定所封

皋虞侯國 膠東康王子建所封

平昌 續志屬北海

長廣 續志屬東萊

橫故山久 久闕本作名

魏其侯國 膠東康王子昌所封

漢書辨疑卷十四

茲鄉侯國 城陽荒王子宏所封

箕侯國 城陽荒王子艾所封

禹貢維水北至昌都入海 昌都當作都昌都昌北海縣鄭康

成注尚書云濰水出箕屋山與說文同

棹 說文作稗从禾

高廣侯國 城陽荒王子勳所封

高鄉侯國 城陽惠王子休所封

柔侯國 城陽荒王子山所封表作棗形相似而譌

卽來侯國 城陽荒王子佼所封

麗侯國 高密頃王子賜所封表作麗茲

武鄉侯國 高密頃王子慶所封



伊鄉侯國 城陽戴王子遷所封

新山侯國 稱忠所封

高陽侯國 薛宣所封

昆山侯國 城陽荒王子光所封

參封侯國 城陽戴王子嗣所封

折泉侯國 城陽荒王子根所封

博石侯國 城陽荒王子淵所封

房山侯國 城陽荒王子勇所封

慎鄉侯國 膠東頃王子其所封表作順陽慎順古字通陽字

疑表誤

駟望侯國 冷廣所封

漢書辨疑卷十四

安丘侯國 高密頃王子常所封

高陵侯國 莽曰蒲睦 翟方進所封蒲闔本作滿

臨安侯國 膠東其王子閔所封

石山侯國 城陽戴王子元所封

東海郡下邳 續志屬下邳國

頁成侯國 魯安王子文德所封續志屬下邳

開陽莽曰厭虜 案莽改定襄之武要為厭胡張掖之刪丹為

貫虜北地之靈武為威戎亦此意續志屬琅邪

費 續志屬泰山

蘭祺侯國 魯安王子臨朝所封

海西 續志屬廣陵



續 續志屬琅邪

南成侯國 城陽共王子貞所封屬泰山

山鄉侯國 魯孝王子縮所封

建鄉侯國 魯頃王子康所封

卽丘 臨沂 續志俱屬琅邪

容丘侯國 魯安王子方山所封

祠水東南至下邳入泗 祠水水經注作桐水

東安侯國 魯孝王子強所封

承莽曰承治 闕本作承始

建陽侯國 魯孝王子咸所封後漢書劉永傳云建陽去昌慮

三十里

漢書辨疑卷十四

三

廣雅書局印

曲陽 司吾 續志俱屬下邳

于鄉侯國 泗水勤王子定所封

平曲侯國 廣陵厲王子曾所封是郡有兩平曲一郡中不得

重名以王莽改名推之似應作曲平然侯表並不爾也攷史

記表江陽侯蘇嘉索隱曰表在東海既云東海則非隸爲之

江陽矣今本地理志東海無江陽小司馬所見當是古本不

得有誤竊疑重出之平曲當是江陽也

都陽侯國 城陽戴王子音所封

陰平侯國 楚孝王子同所封

郟鄉侯國 楚思王子光所封

武陽侯國 史丹所封



新陽侯國 魯頃王子永所封

建陵侯國 魯孝王子遂所封

昌慮侯國 魯孝王子弘所封

都平侯國 城陽荒王子丘所封

臨淮郡武帝元狩六年置 水經濟水注引此作五年

莽曰淮平 淮平下當有屬徐州三字

徐 取盧 淮浦 盱眙 僮 續志俱屬下邳國

射陽 續志屬廣陵

高山 續志屬下邳

鹽瀆 續志屬廣陵

淮陰 淮陵 續志屬下邳

漢書地理志卷十四

下相 沛國有相縣其水下流又因置縣故名下相也續志屬

下邳

東陽 續志屬廣陵

播旌 續志屬下邳

高平侯國 王逢時所封

開陵侯國 成婉所封

昌陽侯國 泗水戾王子霸所封

廣平侯國 廣陵孝王子德所封

蘭陽侯國 廣陵孝王子宜所封表作蘭陵

襄平侯國 廣陵厲王子豐所封

輿 堂邑 續志俱屬廣陵



樂陵侯國 史高所封

會稽郡秦置 始皇本紀二十五年降越君置會稽郡後漢順  
帝分會稽之吳海鹽烏程餘杭毗陵丹徒曲阿由拳富春陽  
羨無錫婁置吳郡

毗陵江在北 江當作北江閩本有北字

山陰有靈文園 園上當有侯字

餘杭莽曰進睦 閩本作淮睦

治 光武更名章安

丹陽郡故鄣郡屬江都 案故鄣郡下當有景帝三年四字

宛陵淩水西北至蕪湖入江 淩當作冷說文冷水出丹陽宛

陵西北入江

漢書辨疑卷十四

三

黟 說文作夥

溧陽 說文溧水出丹陽溧陽縣

豫章郡宜春南水東至新淦入湖漢 南水水經注作牽水

安平侯國 長沙孝王子習所封後漢更名平都

桂陽郡臨武秦水東南至滇陽入匯 案說文溧水出桂陽臨

武入匯志中溧譌爲秦框譌爲匯小顏不能攷正輒音匯爲

胡萌反失之矣

南平 說文溧水出桂陽南平西入營道水經溧水出桂陽盧

聚西北過零陵營道縣南又西北過營浦縣南又西北過泉

陵縣西北七里至燕室邪入于湖

陽山侯國 長沙孝王子宗所封



陰山侯國 志中惟此侯不得其人以實之

武陵郡臨沅縣曰監元 元當作沅

佷山 續志屬南郡

充歷山澧水所出東至下雋入沅 案澧當作禮此與出南陽

雋縣衝山東入汝之澧水不同

零陵郡都梁侯國 長沙定王子定所封

泉陵侯國 長沙定王子賢所封

鍾武 後漢永建三年更名重安

漢中郡南鄭旱山池水所出 池水水經注作涪水

安陽澧谷水出西南北入漢 段玉裁曰此雖不系之禹貢然

據鄭注梁州沱潛云地理志在今蜀郡郫縣及漢中安陽皆

漢書辨疑卷十四

廣雅曰涪水

有沱水潛水其尾入江漢則志述禹貢作瀾此安陽下作瀾

實一物也

廣漢郡雒南至新都谷入前 谷字衍

甸氏道 續志甸氏道剛氏道俱屬廣漢屬國

蜀郡青衣 後漢西南夷傳云荏都夷武帝所開元鼎六年以

爲沈黎郡天漢四年并蜀爲西部置兩都尉一居旄牛主徼

外夷一居青衣主漢人據此則青衣旄牛二縣皆當有都尉

治句

成都府有工官 案成都廣漢之工官官治金銀器貢禹傳蜀漢

主金銀器歲各用五百萬

嚴道有水官 文選蜀都賦注引此作有橋官



犍爲郡南廣又有大涉水北至符入江 至字入江字皆誤據  
水經注當云北入符黑水

堂琅 山名南中志云堂琅山多毒艸盛夏之月飛鳥過之不  
能得去

越巂郡遂久繩水出徼外東至犍道入江 案水經淹水出越  
巂遂久縣徼外東南至蜻蛉縣又東過姑復縣南東入於若  
水此繩水或卽淹水歟

青蛉則馬同山 則字疑衍

益州郡 昭帝紀始元元年益州廉頭姑繒牂柯談指同竝二  
十四邑皆反西南夷傳同今志中牂柯郡有談指同竝而益  
州郡無廉頭姑繒或是改名或是并省不可得而知矣

漢書辨疑卷十四

三 廣雅書局印

收靡南山臘涂水而出 收說文涂字注作收隸釋益州太守  
碑作收靡者二是收字誤也臘字下脫谷字水經注涂水導

原臘谷

牂柯郡營東入沅 據水經注沅當作延

夜郎莽曰同亭 案西南夷傳夜郎國有且同亭故莽謂之同  
亭

巴郡墊江 說文作夔江

胸忍 續漢書郡國志及曹全碑竝作胸忍顏籀音胸爲劬是

也關駟十三州志乃云胸音春忍音閏其地下溼多胸忍蟲

因以名縣既有春音則字已近于胸矣然玉篇中尙無胸字

杜佑通典州郡門作胸忍胸音如順切忍音如尹切讀如閏



犍爲郡南廣又有大涉水北至符入江 至字入江字皆誤據  
水經注當云北入符黑水

堂琅 山名南中志云堂琅山多毒艸盛夏之月飛鳥過之不  
能得去

越巂郡遂久繩水出徼外東至越道入江 案水經淹水出越

巂遂久縣徼外東南至蜻蛉縣又東過姑復縣南東入於若

水此繩水或卽淹水歟

青蛉則禺同山 則字疑衍

益州郡 昭帝紀始元元年益州廉頭姑繒牂柯談指同竝二

十四邑皆反西南夷傳同今志中牂柯郡有談指同竝而益

州郡無廉頭姑繒或是改名或是并省不可得而知矣

漢書辨疑卷十四

三 廣雅書局

收靡南山臘涂水而出 收說文涂字注作收隸釋益州太守

碑作收靡者二是收字誤也臘字下脫谷字水經注涂水導

原臘谷

牂柯郡營東入沅 據水經注沅當作延

夜郎莽曰同亭 案西南夷傳夜郎國有且同亭故莽謂之同

亭

巴郡墊江 說文作夔江

胸忍 續漢書郡國志及曹全碑竝作胸忍顏籀音胸爲劬是

也關駟十三州志乃云胸音春忍音閩其地下溼多胸忍蟲

因以名縣既有春音則字已近于胸矣然玉篇中尚無胸字

杜佑通典州郡門作胸認胸音如順切認音如尹切讀如閩



蠢君卿雖從闕音而字猶未變至徐鉉校定說文解字竟于  
肉部附入胸臆二字亦可謂不攻舊章好信異說者矣

容母水所出南有橘官 據水經注南下當有入江二字

魚復江關都尉治 華陽國志云巴楚相攻故置江關舊在赤  
甲城後移在江州南岸對白帝城

漢書辨疑卷十四終 萍鄉文廷俊南海潘乃成番禺范公詒校字

漢書辨疑卷十四

三

廣雅書局印



漢書辨疑卷十五

嘉定錢大昭撰

地理志下

武都郡 武都隴西金城天水武威張掖酒泉敦煌安定皆當云屬涼州今脫

武帝元鼎六年置 後漢西南夷傳云白馬氏者武帝元鼎六年開分廣漢西部合以為武都

隴西郡秦置 案異姓諸侯王表云漢拔我隴西則高帝元年屬雍國二年方屬漢

上郡 西 續志俱屬漢陽羌道 續志屬武都

漢書辨疑卷十五

金城郡 昭帝紀始元六年以邊塞闊遠取天水隴西張掖各

二縣置金城郡 枹罕 續志屬隴西

河關 水經注引地理志云宣帝神爵二年置河關縣蓋取河之關塞據此則今本脫宣帝以下七字河關續志屬隴西

允街莽曰脩遠 水經注脩遠下有亭字 臨羌莽曰鹽羌 鹽字誤水經注作監羌

天水郡冀 說文作曠 張掖郡顯美 續志屬武威

酒泉郡池頭 續志作沙頭 敦煌郡冥安西北入其澤 其當作冥



效穀本魚澤障 孫寶傳上以唐林朋黨比周左遷敦煌魚澤

障候

安定郡朝那又有秋淵祠 秋當作湫

參巒 續志屬北地

祖厲 續志屬武威

鶉陰 續志作鶉陰屬武威

北地郡秦置 案高帝元年屬雍國二年屬漢

莽曰威成 水經注作威戎

直路且水出東西入洛 說文澶水出北地直路西東入洛據

此則且當作澶東當作西西當作東也水經作沮云沮水出

北地直路縣東過馮翊禮祿縣東北入于洛注云俗謂之漆

漢書地理志卷十五

水又謂之漆沮水

靈武莽曰威成亭 水經注作威戎亭李賢曰靈武有谷在今

靈州懷遠縣西北

鶉孤 續志作鶉觚屬安定

歸德 中興省宋白曰慶州華池縣本漢歸德縣地又通遠軍

西北有歸德川

郁郅有牧師苑官 漢制邊郡牧師苑官有六郡謂隴西天水

安定北地上郡西河也志中惟記其一遼東襄平亦有牧師

官又在六郡之外矣

弋居有鹽官 續志弋居有鐵似當云有鐵官

上郡屬并州 屬朔方部不屬并州



元年更爲翟國七月復故 七月上疑脫二年二字

白土園水出西東入河 東水經注作南

高奴 翟王董翳都

有涓水可難 據水經注涓水下當有肥字

宜都莽曰堅寧 水經注堅寧下有亭字

西河郡美稷 說文瀚西河美稷保東北水

中陽 說文瀉水出西河中陽北沙南入河

大成 續志屬朔方

平周 衛霍傳稱路博德西河平州人周州古字通

虎猛西部都尉治 有制虜塞見匈奴傳

臨水莽曰堅水 堅南雍本閩本竝作監

漢書辨疑卷十五

觥是 說文觥角觥曲也西河有觥氏縣氏與是古字通曲禮

云五官之長曰伯是職方鄭注云是或爲氏觀禮云太史是

右注云古文是爲氏

朔方郡 武帝元封中別令刺史監之不在十三州之限故平

當蕭青翟方進竝爲朔方刺史

窳渾屠申澤在東 水經注云屠申澤東西一百二十里

五原郡蒲澤 南雍本閩本竝作蒲澤

南興 當作南興

成宜中部都尉治原高 高水經注作亭

西安陽莽曰漳安 水經注作郭安

雲中部縣十一 周勃世家云定雲中郡十二縣是秦領縣十



北輿注闕駟云廣陵有輿故此加北 案水經注云五原有南輿故此加北闕駟之說太疏遠也

定襄郡成樂 武進 定襄 續志俱屬雲中

雁門郡縣十四 周勃世家定雁門郡十七縣是秦領縣十七

善無 中陵 續志俱屬定襄

陰館樓煩鄉 樓煩上當有故字

莽曰富代 水經注作富臧

代郡有五原關 成帝紀及說文竝作五阮關

當城注當桓都城 水經注桓都下有山作二字

且如于延水出塞外東至盩入沽 據水經注當作出北塞外

漢書辨疑卷十五

四 廣雅書局天

東至廣盩入治師古音沽為姑誤平舒下沽字亦當作治

平邑 續志作北平邑

廣昌 續志屬中山國

鹵城 續志屬雁門

東至參合入庫池別 據水經注合當作戶別下當有河字

上谷郡縣十五 周勃傳云定上谷十二縣是秦領縣十二

軍都溫餘水 軍都續志屬廣陽溫餘水水經注作溼餘水

昌平 續志屬廣陽

且居樂陽水出東東入海 據水經注樂陽當作陽樂海當作

沽

漁陽郡莽曰北順 案右北平莽改北順此必不同閩本作通



路當從之

縣十二 周勃傳定漁陽二十二縣與此大不同疑彼傳衍二字秦領縣亦止十二

泉州有鹽官 續志泉州有鐵此鹽字或鐵之譌

右北平郡縣十六 秦領縣亦止十六見周勃傳

遼西郡 當有莽曰令支四字何以知之雁門郡莽曰填狄其

屬縣埒則曰填狄亭代郡莽曰厭狄其屬縣代則曰厭狄亭

上谷郡莽曰朔調其屬縣夷輿則曰朔調亭漁陽郡莽曰通

路其屬縣路則曰通路亭右北平莽曰北順其屬縣徐無則

曰北順亭今遼西屬縣惟令氏莽曰令氏亭亦其例也

縣十四 史記絳侯世家云定遼東遼西二十九縣今地理志

漢書辨疑卷十五

五

廣雅書局

遼東西有卅二縣與史記不同蓋後有析置者耳

柳城 續志無李賢曰故城在今營州南

肥如莽曰肥而 如而古字通

狐蘇唐就水 水經注作居就水形相似而譌

文莽曰受亭 受南雍本閩本竝作文

沓氏注應劭曰氏水也 氏水南雍本閩本作沓水

元菟郡西蓋馬 馬續志作鳥

樂浪郡有雲鄣 雲鄣疑卽今所謂烟瘴

不而東郡都尉治 郡當作部

南海郡中宿有涯浦官 官當作關

鬱林郡 說文作鬱林



中雷注雷水名 說文雷水出鬱林郡

交趾郡北帶 閩本作比帶

合浦郡臨允牢水北入高要入鬱 北入當作北至

九真郡 脫屬交州三字

趙國故秦邯鄲郡縣四 秦領縣六見靳歙傳

廣平國曲梁侯國 平干頃王子敬所封續志屬魏郡

陽臺侯國 平干頃王子田所封表作陽城疑誤臺閩本作臺

案說文云籀文堂从高省疑此即臺字

真定國真定 續志屬常山國

縣曼斯洩水東至鄴入河 水經注作入章河

中山國盧奴應劭曰盧水出右北平 案北平即下文北平縣

漢書辨疑卷十五

六

廣雅書目宋

也右字衍水經注云黑水曰盧不流曰奴

北平又有盧水亦至高陽入河 據水經注河當作博

北新成莽曰朔平 水經注作朔寧續志屬涿郡

望都博水東至高陽入河 據水經注河當作滌

陸成 元朔二年封中山靖王子貞為侯國表作陸城

信都國南宮莽曰序下 水經濁漳水注作序中

信都 項羽封耳為常山王治信都更名襄國見張耳傳又云

追殺趙王歇襄國亦謂此信都也

廣川 續志屬清河國

樂鄉侯國 河間獻王子佟所封

平隄侯國 河間獻王子招所封



西梁侯國 廣川戴王子闢兵所封

昌成侯國 廣川繆王子元所封後漢改為阜城

東昌侯國莽曰田昌 清河綱王子成所封田昌疑是西昌

脩 續志屬勃海

河間國 脫屬冀州三字

武隧 續志屬安平國

弓高莽曰樂成 水經注樂成下有亭字

廣陽國 脫屬冀州三字

劇應劭曰故肥國今肥亭是 劇續志屬北海注二肥字據水

經注皆當作紀

東安平 續志屬北海

漢書辨疑卷十五

膠東國 脫屬青州句

卽墨 續志屬北海

下密有三台山祠 台當作戶見郊祀志

下密 壯武 觀陽 續志俱屬北海

高密國 脫屬青州句

高密 昌安 夷安 續志俱屬北海

城陽國莒 陽都 東安 續志俱屬琅邪

淮陽國高帝十一年置 秦高帝十一年置淮陽國以封皇子

友孝惠元年徙封于趙當改為郡故孝惠孝武時申屠嘉汲

黯司馬安灌夫為淮陽守也宣帝復置以封皇子欽恭敗乃

絕依志何當云惠帝元年更為郡宣帝元康三年復故今脫



漏

扶溝 續志屬陳畱

圍 案王莽傳云其以益歲以南付新平蘇林曰陳畱圍縣莽改曰益歲據此則脫莽曰益歲四字圍續志屬陳畱

梁國縣八 元朔中梁王襄有罪削五縣元延中梁王立有罪復削五縣故止八縣

留 續志屬陳畱

杼秋 續志屬梁國

己氏 續志屬濟陰

雖陽為貢盟諸澤在東北 當有青州數三字

東平國武帝元鼎元年為大河郡 案夏侯勝傳初魯其王分

漢書辨疑卷十五

入 國朝書局

魯西寧鄉以封千節侯別屬大河大河後更名東平韋元成嘗為大河都尉

任城 亢父 樊 續志俱屬任城國

詩亭故詩國 詩當作邾左傳襄十三年取邾杜預曰亢父有邾亭說文解字邾附庸國在東平亢父邾亭

莽曰順又 水經注作順父

魯國屬豫州 郡國志云魯本屬徐州光武改屬豫州此云豫

州疑後人妄改

下泗水西南至方與入沛 據水經注當作入沛渠

蕃南梁水西至胡陵入沛渠 沛當作沛

騶 說文作鄒云邾國帝顓頊之後所封



楚國 後漢章帝省屬彭城

泗水國 脫屬徐州三字

莽曰水順 水經注作順水

凌 續志屬廣陵

注凌水所出入淮南 水經淮水注引作西南入淮

六安國 脫屬揚州三字建武十三年省屬廬江

收 南雍本閩本攸下有注云音敢今本攸作收又脫注二字

成帝時劉向略言其域分 域閩本作地

溱與洧方濯濯兮 毛詩作渙渙韓詩作洹洹陸氏釋文云說

文作汎汎今本說文無此訓

高士宦好文法 士南雍本閩本竝作任

漢書辨疑卷十五

九 廣雅書局

趙地昴畢之分壘 據荀悅漢紀昴畢上當有冑字

取之不足以更費注更賞也 賞閩本作償

船行可八月到日南象林界云 八南雍本閩本竝作二地理

志郡縣之名似各不同其有同者則加東西南北上下以別

之然細按之重見者亦復不少如曲陽三見一屬九江莽曰

延平亭一屬東海莽曰從羊一屬交趾交趾作易師古曰古

陽字建成三見一屬勃海一屬沛郡侯國一屬豫章莽曰多

聚劇兩見一屬北海侯國一屬菑川國莽曰俞定陶兩見

屬濟陰莽曰濟平一屬定襄莽曰迎符西平兩見一屬汝南

莽曰新亭一屬臨淮莽曰永聚陽城兩見一屬汝南侯國莽

曰新安一屬潁川平昌兩見一屬平原侯國一屬琅邪成陽



兩見一屬汝南侯國莽曰新利一屬濟陰東安兩見一屬東海郡侯國莽曰業亭一屬城陽國新陽兩見一屬汝南莽曰新明一屬東海侯國莽曰博聚鍾武兩見一屬江夏郡侯國莽曰當利一屬零陵莽曰鍾桓高陵兩見一屬左馮翊莽曰千春一屬琅邪侯國莽曰蒲睦成兩見一屬泰山郡一屬涿郡侯國莽曰宜家新市兩見一屬中山國一屬鉅鹿侯國莽曰市樂建陽兩見一屬九江一屬東海侯國莽曰建力平安兩見一屬廣陵國莽曰杜鄉一屬千乘侯國莽曰鴻睦平城兩見一屬北海侯國一屬雁門莽曰平順臨胸兩見一屬東萊一屬齊郡莽俱曰監胸新都兩見一屬廣漢一屬南陽侯曰莽曰新林昌陽兩見一屬東萊莽曰夙敬亭一屬臨淮侯國定陵兩見一屬潁川莽曰定城一屬汝南高平兩見一屬臨淮侯國莽曰成丘一屬安定莽曰鋪睦饒兩見一屬北海侯國一屬西河莽曰饒衍高陽兩見一屬涿郡莽曰高亭一屬琅邪侯國武城兩見一屬左馮翊莽曰桓城一屬定襄莽曰桓就廣平兩見一屬臨淮侯國莽曰平寧一屬廣平國陰山兩見一屬桂陽侯國一屬西河莽曰山盛樂成兩見一屬南陽侯國一屬河間國莽曰陸信富平兩見一屬平原莽曰樂安亭一屬北地莽曰特武成安兩見一屬陳畱一屬潁川侯國復陽兩見一屬南陽侯國師古音房曰反一屬清河莽曰樂歲應劭曰復音腹安定三見一屬鉅鹿侯國一屬安定一屬交趾武陽兩見一屬東海侯國莽曰宏亭一屬犍爲莽



曰戢成鄭兩見一屬京兆尹一屬山陽侯國成鄉兩見一屬  
北海莽曰石樂一屬高密國莽曰順成安陽兩見一屬汝南  
莽曰均夏一屬漢中陽樂兩見一屬東萊侯國莽曰延樂一  
屬遼西武都兩見一屬武都莽曰循虜一屬五原莽曰桓都  
歸德兩見一屬汝南莽曰歸惠一屬北地東陽兩見一屬臨  
淮一屬清河侯國莽曰胥陵黃兩見一屬山陽侯國一屬東  
萊莽曰意母安丘兩見一屬琅琊侯國莽曰靈鄉一屬北海  
莽曰誅郅開陽兩見一屬臨淮一屬東海莽曰厭虜樂陵兩  
見一屬平原莽曰美陽一屬臨淮侯國安成兩見一屬汝南  
侯國莽曰至成一屬長沙國莽曰思成西陽兩見一屬山陽  
侯國一屬江夏安平兩見一屬涿郡莽曰廣望亭一屬豫章

漢書辨疑卷十五

十一

廣雅書局藏

侯國莽曰安寧高成兩見一屬勃海一屬南郡莽曰言程新  
昌兩見一屬涿郡侯國一屬遼東朝陽兩見一屬南陽莽曰  
厲信一屬濟南莽曰脩治新成兩見一屬河南一屬北海侯  
國宜春兩見一屬汝南侯國莽曰宣孱一屬豫章莽曰脩曉  
石城兩見一屬丹揚一屬右北平其一郡中兩見者則有東  
海之平曲王莽一曰平端一曰端平今備錄于此以便稽攷  
云

溝洫志

迺醴二渠以引其河 醴河渠書作廝

蜀守李冰鑿離峯 峯當作崖說文崖高也从宀隹聲徐鉉音

都回切



令鑿涇水自中山西邸瓠口爲渠 水經注云涇水東經九嶸

山東中山西謂之谷口卽此中山也

時鄭當時爲大司農 計其時當在元光三年尙未改名大司

農也當云大農令

穿漕渠三歲而通 閩本作二歲

上以用事萬里沙則還 則閩本作蹟

注芟草也音茷 閩本作音茷

又其口所居高於以分殺水力 南雍本閩本分下竝有流字

遺大司農非調 廣韻非亦姓風俗通有非子伯益之後是姓

非名調耳公卿表亦有此人師古以非調爲名疑誤

發河南以東漕船五百艘 艘古艘字說文艘船總名从木窠

漢書辨疑卷十五

十一 廣雅書同珠

聲徐鉉曰今俗別作艘非是

大司空掾王橫 水經注河水篇同儒林傳作琅邪王璜平中



漢書辨疑卷十六

嘉定錢大昭撰

藝文志

哀帝復使向子侍中奉車都尉歆卒父業 傳作騎都尉奉車

易傳周氏二篇 周氏維陽人

韓氏二篇名嬰 嬰傳云以易授人推易意而為之傳益寬饒

傳引韓氏易傳疑卽此也

丁氏八篇名寬 寬事齊田何復從周王孫受古義景帝時寬

為梁孝王將軍距吳楚號丁將軍作易說三萬言訓故舉大

誼而已

淮南王安聘明易者九人號九師法 法南雅本闕本竝作說

漢書辨疑卷十六

京氏段嘉十二篇 儒林傳作殷嘉

人更三聖 易辨終備云至哉易三聖謀注云三聖伏羲文王

孔子也

漢興田和傳之 和當作何

書曰詩言志哥詠言 哥書作歌說文哥聲也从二可古文以

為哥字

禮經七十篇 劉敞曰當作十七是也儒林傳魯高堂生傳士

禮十七篇

議奏三十八篇石渠 案書春秋論語議奏石渠下皆有論字

疑此脫論字

雅琴趙氏七篇 後漢書劉昆傳云能彈雅琴知清角之操



河間獻王與毛生等共采周官及諸子言樂事者以作樂記

案食貨志王莽詔曰樂語有五均鄧展曰樂語樂元語河間

獻王所傳

穀梁傳十一卷師古曰名喜 喜間本作嘉

鄒氏傳十一卷 王吉傳吉能爲騶氏春秋卽此也鄒駟古字

通

公羊外傳五十篇 三史拾遺曰漢時公穀二家皆有外傳其

書不傳大約似韓詩外傳今人稱國語爲外傳漢志卻無此

名目

公羊董仲舒治獄十六篇 後漢書應劭傳云故膠西相董仲

舒老病致仕朝廷每有政議數遣廷尉張湯親至陋巷問其

漢書辨疑卷十六

得失於是作春秋決獄二百三十三事動以經對言之詳矣

魯夏侯說二十一篇 夏侯勝傳云勝字長公東平人爲太子

太傅受詔撰尙書論語說

魯安昌侯說二十一篇 張禹傳云初禹爲師以上難數對已

問經爲論語章句獻之

八體六技 李膺芸曰六技當是八篇之論小學四十五篇併

此八篇正合四十五篇之數

蒼頡一篇上七章秦丞相李斯作 案蒼頡爰歷博學凡將急

就元尙訓纂諸篇作書人姓名別具下文此處可省攷工記

注引蒼頡篇有鞞螿柯樞正義云鞞螿是其一篇內有治皮

之事頡之推曰倉頡篇李斯所造而云漢兼天下海內并廟



豨黥韓覆畔討滅殘非本文也

急就一篇成帝時黃門令史游作 成帝當作元帝

教之六書謂象形象事象意象聲轉注假借 說文六書作指

事象形形聲會意餘同至六書之次第許慎說文解字衛恆

書勢江式論書表孔穎達書正義封演聞見記皆同而鄭眾

周禮注漢書經籍志隋書經籍志韋續五十六種書其次第

又各不同

太史試學童能諷書九千字以上乃得爲史又以六體試之

案說文解字云漢興有艸書尉律學僮十七已上始試諷籀

書九千字乃得爲吏又以八體試之許氏所云八體者漢初

卽沿秦書八體之舊所謂大篆小篆刻符蟲書摹印署書及

漢書辨疑卷十六

書隸書是也若古文奇字篆書隸書繆篆蟲書之六體乃新

莽時大司空甄豐等所定非漢初之制當從許氏說作八體

至許氏說文九千三百五十三文雖非學僮所諷之九千字

而斟酌篆文合以古籀博采通人信而有證言小學者無不

奉爲準繩矣

臣復續揚雄作十二章 二閩本作三以十三章併八十九章

正一百二章

古之學者耕且養 詩甫田疏引作且耕且養

三年而通一藝三十而五經立也 案三年通一藝故孔子十

五志學三十而立

序六藝爲九種 此句當與上文相屬



孟子十一篇名軻 十一疑七字之譌或云七篇外有外篇四篇

閒之固因爲陳古今成敗也 閒闕本作問

賁誼五十八篇 誼傳亦云凡所著述五十八篇今新書止五

十六篇

桓寬鹽鐵論六十篇 汲古閣依宋板故于桓字作淵聖御名

四小字闕本竟作桓公孫田劉傳贊云汝南桓寬次公推衍  
鹽鐵之論增廣條目極其論難著數萬言

入揚雄一家十八篇 闕本作三十一篇

太公二百三十七篇謀八十一篇言七十一篇兵八十五篇

謀言兵就二百三十七篇而析言之太公其總名也

漢書辨疑卷十六

四 廣雅書局印

鬻子二十二篇名熊 今道藏本鬻子二十四篇又小說有鬻

子說十九篇後世所加

關尹子九篇 案高誘注呂覽云關尹闕正也名喜作道書九

篇能相風角知將有神人而老子到喜說之請著上至經五

千言而從之游也九篇者一字篇二柱篇三極篇四符篇五

鑑篇六七篇七釜篇八壽篇九藥篇也

列子八篇 案高誘注呂覽云列子禦寇體道人也壺子弟子

又云注書八篇在莊子前莊子稱之也八篇者天端一黃帝

二周穆王三仲尼四湯問五力命六楊朱七說符八也

長廬子九篇 九篇下南雍本闕本有注云楚人今本脫

王狄子一篇 闕本作正狄子



公子牟四篇 高誘注呂覽云子牟薨公子也作書四篇魏伐中山得之以封子牟因曰中山公子牟也

田子二十五篇名駢 呂氏春秋云陳駢貴齊高誘注云陳駢齊人也作道書二十五篇貴齊齊生死等古今也田陳古通用劉向七略云齊田駢好談論故齊人爲語曰天口駢

騶冠子一篇 今道藏目錄云十有六篇隋書經籍志作三卷

力牧二十二篇 兵陰陽又有力牧十五篇

捷子二篇 史記孟荀傳作接子接捷古字通內則接以太牢

鄭注接讀爲捷春秋經宋萬弒其君捷賈逵曰公羊穀梁作接荀子大略篇先事慮事謂之接楊倞曰接讀爲捷

公禱生終始十四篇傳鄒奭始終書 案下有鄒子終始五十

漢書辨疑卷十六

五 廣雅書局刊

六篇則此始終當作終始矣奭字亦誤作終始者是鄒衍非

鄒奭也別有鄒奭子十二篇非終始書

南公三十一篇六國時 案項籍傳南公稱曰楚雖三戶亾秦

必楚服虔曰南公南方之老人也虞喜志林云南公道士識

廢興之數知亾秦者必於楚

衛侯官十一篇近世不知作者 侯當作倏衛尉屬官有諸屯

衛倏司馬二十二官逸其姓名故但書其官

公孫渾邪十五篇平曲侯 案公孫賀傳云賀祖父昆邪景帝

時爲隴西守以將軍擊吳楚有功封平曲侯著書十餘篇此

作渾邪與功臣表同史記表作昆昆渾聲相近

處子九篇 今本史記作劇子徐廣曰按應劭氏姓注直云處



子也

慎子四十二篇名到 高誘注呂覽云慎子作法書四十一篇  
在申不害韓非前申韓稱之徐廣曰今慎子劉向所定有四  
十一篇

尹文子一篇 今道藏本上下二篇蓋本魏黃初末山陽仲長  
氏詮次之舊故隋書經籍志已作二卷

公孫龍子十四篇 張守節曰按平原君傳與鄒衍同時今道  
藏本上中下三卷與唐志同

惠子一篇名施 高誘注呂覽云惠子惠施宋人也仕魏爲惠  
王相也孟子所見梁惠王也

龐煖二篇 此本從橫家兵權謀家有龐煖三篇

漢書辨疑卷十六

六

廣輿雅書目局印

待詔金馬聊蒼三篇 嚴助傳作膠蒼按廣韻三蕭聊字下云

亦姓風俗通有聊倉爲漢侍中著子書據此則作膠者非是  
孔甲盤孟二十六篇 應劭注田蚡傳作二十九篇

尉繚子二十九篇 南雍本閩本尉繚下無子字兵形執又有  
尉繚三十一篇

則漫羨而無所歸心 漫羨猶漫衍也

蔡癸一篇 閩本蔡作祭

師曠六篇 說文鳥部引師曠曰南方有鳥名曰羌鶡黃頭赤  
目五色皆備疑卽此書又兵陰陽家有師曠八篇

務成子十一篇 荀子大略篇云舜學于務成昭揚倞注引尸

子曰務成昭之教舜曰避天下之逆從天下之順天下不足



取也避天下之順從天下之逆天下不足失也大昭案五行家有務成子災異應十四卷房中家有務成子陰道二十六卷疑皆後世依託

臣壽周紀七篇項國圍人 項國疑淮陽國之譌

虞初周說九百四十三篇河南人 案郊祀志云丁夫人雒陽

虞初等以方祠詛匈奴大宛則虞初河南雒陽人也

武帝時以方士侍郎隴黃車使者 隴閩本作號李善注文選

西京賦引曰以方士侍郎乘馬衣黃衣號黃車使者大昭案

今本注有脫落當從文選注所引增改

出蹇鞞一家二十五篇 從諸子家出而入兵技巧

莊夫子賦二十四篇名忌 卽嚴夫子也此獨不避諱史駁文

漢書辨疑卷十六

七 廣雅釋詁

陽丘侯劉陘賦十九篇 齊悼惠王之子也史表陽作楊陘作

偃

光祿大夫張子僑賦三篇 蕭望之傳作子蟠

陽成侯劉德賦九篇 卽劉向之父

常侍郎莊忽奇賦十一篇 百官表加官有中常侍無常侍郎

然東方朔亦嘗爲常侍郎則武帝時有此加官矣嚴助傳作

嚴葱奇

注從行至茂陵造作賦 南雍本閩本作詔造賦

宗正劉辟彊賦八篇 辟彊字少卿楚元王之孫

郎中臣嬰齊賦十篇 道家有郎中嬰齊十二篇疑卽其人

給事黃門侍郎李息賦九篇 衛霍傳之李息別是一人非作



賦者

李步昌賦二篇 儒家有鉤盾冗從李步昌八篇疑卽其人

別栩陽賦五篇 庾信哀江南賦云栩陽亭有離別之賦王伯

厚遂以此栩陽爲亭名大昭謂此說非也志中此處俱敘賦

家姓名不載篇名信如伯厚說當言一篇不當有五篇總意

姓別名栩陽耳廣韻十七薛別字云離也又姓何氏姓苑云

揚州人皮列切

漢中都尉丞華龍賦二篇 龍與劉向王褒同時人

文雜賦三十四篇 文闕本作大

詔賜中山靖王子噲及孺子妾冰未央材人歌詩四篇 案文

選中山王孺子妾歌注引此文冰作并又引如淳注云孺子

漢書辨疑卷十六

幼少稱也孺子宮人也

詩賦爲五種 南雍本闕本詩賦上並有序字

吳起四十八篇 起衛人爲楚將李善注劉子駿移書太常博

士文引曰吳起三十八篇古三四字皆積畫故此作四彼作

三隋書經籍志作一卷王應麟曰今本三卷六篇

李子十篇 闕本作李子

右兵權謀十三家二百五十九篇省伊尹太公管子孫卿子鶡

冠子蘇子蒯通陸賈淮南王二百五十九種出司馬法入禮

也 案二百五十九種種字疑誤卽上文十三家之篇數也

所云省伊尹以下諸書今伊尹太公管子鶡冠子在道家孫

卿子陸賈在儒家蘇子蒯通在從橫家淮南王在雜家並不



人禮注云出司馬法入禮者因兵家下右出司馬法入禮而  
誤衍其文于此

右陰陽十六家 此陰陽與兵權謀兵形執兵技巧同是兵家  
陰陽上當脫兵字況法家者流之前已有陰陽家者流矣下  
文陰陽者亦脫兵字章懷太子注張衡傳以兵陰陽之風后  
十三篇地典六篇爲陰陽流又方回古今攷引此已無兵字  
知唐宋本已脫

鮑子兵法十卷 闕本十作一案兵技巧本百九十九篇此作  
一篇止得百九十八尚少一篇

武帝時軍政楊僕 軍政卽軍正也軍正有丞見胡建傳

漢日旁氣行事占驗三卷 功臣表云成帝時光祿大夫滑堪

漢書辨疑卷十六

九

日旁占驗曰鄧弱以長沙將兵疾疑卽此書

諫不能聽之王 王南雍本闕本並作主

許商算術二十六卷 溝洫志云博士許商治尙書善爲算

堪輿金匱十四卷 周禮占夢正義云按堪輿黃帝問天老事

云四月陽建于巳破于亥陰建于未破于癸是爲陽破陰陰

破陽又鄭注保章氏云堪輿雖有郡國所入度非古數也今

其存可言者十二次之分也星紀吳越也元枵齊也娵訾衛

也降婁魯也大梁趙也實沈晉也鶉首秦也鶉火周也鶉尾

楚也壽星鄭也大火宋也析木燕也

秦一二十二九卷 當作二十九卷衍二字

五音奇胘用兵二十三卷 五音奇胘刑德二十一卷 案惟



南兵畧訓云明于星辰日月之運刑德奇脈之數向背左右之便此戰之助也

次二曰羞用五事 五行志及孔光傳竝作羞師古曰羞進也周易三十八卷 周易下當有脫字

莫善於著龜 易繫詞作莫大陸氏釋文本作莫善云本亦作莫大案何休注公羊亦引作莫善儀禮疏同賈公彥曰凡艸之靈莫善於著凡龜之知莫善於龜中山江水出焉其中多良龜郭璞云良善也

相人二十四卷 相視也視人骨狀以知吉凶貴賤春秋傳曰公孫敖聞其能相人隋書經籍志相書四十六卷

外經三十九卷 南雍本闕本九卷七

漢書辨疑卷十六

十一 漢書辨疑卷十六

注疝音山諫反 南雍本闕本山諫反下有又音刪三字

故諺曰有病不治常得中醫 今吳人猶云不服藥爲中醫

漢書辨疑卷十六終 萍鄉文廷俊南海潘乃成番禺范公詒校字



漢書辨疑卷十七

嘉定錢大昭撰

陳勝傳

攻陳陳守令皆不在獨守丞與戰譙門中 案洪适隸續云索  
 隱謂秦無陳郡皆字是衍文守令與守丞同守非官也劉原  
 父云是陳縣之攝令游俠傳王游公謂茂陵守令尹公曰君  
 辱原涉如是一旦真令至復單車歸為府吏注云守茂陵令  
 未真為之隸釋有羊竇道碑云青衣尉趙君到官六日郡召  
 守鐵官長積四月徙守成都令後還歸尉官又金鄉守長侯  
 成碑云郡授五官掾功曹守金鄉長即家假印綬周憬碑陰  
 有潁陽守長南平丞塞祇三人者亦是以它君攝事然則守  
 令守丞非真令丞也師古以為郡守郡丞非是

漢書辨疑卷十七

勝迺立為王號為張楚 閩本號下無為字

今趙又安敢害將軍之家乎 閩本又作獨無之字南雍本作  
 獨有之

張賀軍勝出臨戰 軍下閩本有敗字

項籍傳

梁父即楚名將項燕者也 漢紀云故楚將項燕之孫

請斬獄掾曹咎書 咎後為楚海春侯大司馬

會稽假守通晉灼曰楚漢春秋云姓殷 漢紀作殷通

府中皆讐伏 史記作惛伏案說文讐失氣言傳毅讀若惛

與惛古字通



徇下縣 此下縣與上文使人收下縣同漢紀作下郡縣非是  
聞陳嬰已下東陽 東陽屬臨淮郡水經注云淮陰縣楚漢之  
間爲東陽郡

謂其軍曰 南雍本閩本軍下有吏字  
有名於楚 名閩本作功

梁已并秦嘉軍胡陵 南雍本閩本軍下皆重軍字

居鄭人范增 羽尊爲亞父封歷陽侯

故南公稱曰 藝文志陰陽家有南公三十一篇

卒食半菽 史記作芋菽徐廣曰芋一作半

羽使蒲將軍引兵渡三戶 水經注漳水東逕三戶峽爲三戶

津

漢書辨疑卷十七

二

廣雅書局

擊秦軍汙水上 水經注汙水出武安山東南經汙城北入漳

羽迺立章邯爲雍王 是時但立爲王尙無封地至分天下以

王諸侯邯乃王咸陽以西

遂西到新安 新安恆農縣括地志故城在洛州澠池縣東一

十三里卽坑秦卒處

史卒多竊言 南雍本閩本竊言下有曰字

歷陽侯范增曰 歷陽九江縣

羽擊陳畱外黃外黃不下 閩本不重外黃二字

漢有善騎射曰樓煩 功臣表有樓煩將丁復蓋將樓煩之兵

耳樓煩非姓名

羽復引而東至東城 東城九江縣



願爲諸軍快戰 快漢紀及南雍本闕本竝作決

吾爲公得 史記作德古字通

以封五人皆爲列侯 喜赤泉侯醫杜衍侯馬童中水侯勝涅

陽侯武吳房侯

惠文武昭襄 史記作惠王武王無文昭襄

兼韓魏燕趙宋衛中山之眾 史記燕下有楚齊二字

流血漂鹵 鹵文選作櫓案說文櫓大盾也或作櫓此又櫓之

省文

威震四海 此句與下文餘威震于殊俗史記及新書震皆作

振古字通

舜蓋重童子 童古瞳字也說文本不從目

漢書辨疑卷十七

張耳傳

張耳大梁人也 大梁陳留之浚儀縣也陳勝傳謂之陳人則

秦時大梁屬陳縣歟

相國房君諫曰 相國當作柱國陳勝傳云以上蔡八房君蔡

賜爲上柱國史記作相國亦誤

難可獨立趙後 獨字下南雍本闕本俱重立字

且什一二相全 南雍本闕本作且什有一二相全

魏豹傳

酈生至豹謝曰 至南雍本闕本作往

田儋傳

形容尙未能敗猶可知也 知闕本作觀



韓王信傳

故立韓公子橫陽成君為韓王 南雍本闕本作橫陽君成

韓信傳

上不欲就天子乎 南雍本闕本作天下

必欲拜之 南雍本闕本必欲上皆有王字

破代禽夏說闕與 史記趙奢破秦兵闕與是也在上黨涅氏

縣

戰鋒不可當也 闕本戰作其

齊夸詐多變反覆之國南邊荒 南雍本闕本竝作南邊楚

深說以三分天下之計 之計二字闕本作鼎足而王四字

信病不從 南雍本闕本信下有稱字

漢書辨疑卷十七

四

廣雅書局

恐其黨不亂 亂南雍本闕本作就

彭越傳

漢王追楚為項籍所敗固陵 固陵上當有脫字漢王之敗敗

于陽夏南非固陵也其與雷侯計議令信越并力擊楚乃在

壁固陵之時見於本紀及張良傳此固陵上當有壁字

黥布傳

太宰主之三日不得見 百官表奉常秦官其屬有太宰是時

諸侯王蓋亦有此官

巨竊為大王或之 或古惑字或之者疑之也

險謂布何苦而反 險即遙也說文無遙字賈誼傳貴賤有等

而下不諭師古曰諭與險同陳湯傳橫厲烏孫諭集都賴師



古曰踰讀曰遙

吳芮傳

孝惠高后時封芮庶子二人為列侯 孝惠時封便侯吳淺高

后時封沅陵侯吳陽

荆燕吳傳

荆王劉賈高帝從父兄也 諸侯王表作從父弟

澤還兵備西界遂跳 跳讀若逃

子康王嘉嗣九年薨 表云二十六年薨自文三年至景五年

正合二十六年之數此作九年誤

立四十二年國除 高后七年至元朔二年凡五十四年此作

四十二年誤

漢書辨疑卷十七

五

廣雅書局宋

乃封敬王澤元孫之孫無終公士歸生為營陵侯 歸生為侯

表失載

狝穰及米 狝他合切說文狝犬食也从犬从舌

意亦可乎 意與抑同

楚元王傳

某非敢忘封之也 史家避諱

封其子信為羹頡侯 漢紀作刮羹侯

子禮為平陸侯 閩本無子字

常為穆生設醴 案高誘云醴以蘖不以麴濁而甜中山經云

其祠蘖釀郭注云以蘖作醴小顏謂少籜多米失之

劉德傳



後復爲宗正雜案上官氏蓋主事 宗正掌親屬諸公主家令  
門尉皆屬焉故蓋主事德亦案之

劉向傳

雜選眾賢 選及也公羊傳云祖之所逮聞也漢石經逮作選  
方言逾選及也東齊曰逾關之東西曰選或曰及說文選逾  
也又目部眾目相及也从目从隶省玉篇逾選行相及師古  
以爲聚積貌疑誤

又曰飴我釐麩釐麥也始自天降 毛詩作貽我來牟韓詩  
作貽我嘉麥文選典引注引薛君章句云麥大麥也陸氏釋  
文云貽字或作詒牟字書作麩或作麥案說文解字來周所  
受瑞麥來麩一來二縫象芒束之形天所來也故爲行來之

漢書辨疑卷十七

六 廣雅書局本

來詩曰詒我來麩貽字在說文新附中古本作詒傳作飴假  
借用也來釐古字通毛詩說文作來傳作釐同始自天降者  
今文尚書太誓云武王渡孟津白魚躍入于舟出涘以療後  
五日火流爲烏五至以穀俱來故云自天降也

山冢卒崩 卒毛詩作萃釋文云本亦作萃

分曹爲黨往往羣朋 說文黨朋羣也

天下苦其役而反之 役古文役字見說文

上輒入之然終不能用也 入古納字納其言也師古以爲召

入非也

劉歆傳

然公卿大臣絳灌之屬咸介胄武夫 李善注文選謂絳灌是



一人非絳侯與灌嬰大昭案孝惠世周勃灌嬰俱在而一取封地一取氏族不相倫類故李氏疑非二人蓋據楚漢春秋謂高祖之臣別有絳灌然史傳中無此人且賈誼傳已云樊鄴絳灌樊指噲鄴指食其絳指周勃灌指灌嬰陳平傳云絳灌等或讒平樊噲傳云羣臣絳灌等莫敢入外戚傳絳侯灌將軍等曰吾屬不死命乃且縣此兩人蓋各舉其姓則周有周昌周竈之不同各舉其封地嬰又潁陰兩字不可單稱故當時有此絳灌之目

在漢朝之儒唯賈生而已 三史拾遺曰漢初留川田何濟南

伏生魯申公齊轅固燕韓嬰魯高堂生齊胡毋生皆諸侯王國人唯賈生洛陽人在漢十五郡之內故云漢朝之儒唯賈生一人宋子京謂在漢朝不容更有漢字蓋未之思耳

漢書辨疑卷十七

七

廣雅書局

逸禮有三十九 文選九下有篇字

則有魯國柏公趙國賈公膠東庸生之遺學與此同 柏當作桓李善注引七略云禮家先魯有桓生說經頗異論語家近瓊那王卿不審名及膠東庸生皆以教然則李氏亦未詳庸生之名也攷後漢書儒林傳庸生名譚

雖昭其情 雖昭文選作深照

田叔傳

叔取其渠率二千人笞 千閔本作十

高五王傳

使棘蒲侯柴將軍擊破 案功臣表有棘蒲剛侯陳武此又作



柴說詳侯表

盡封悼惠王諸子罷軍等七人爲列侯 本紀亦作七人攷王  
子侯表管共侯罷軍氏丘共侯甯國營平侯信都楊丘侯安  
楊虛侯將閭枋侯辟光安都侯志平昌侯卬武成侯賢白石  
侯雄渠俱悼惠王子同日受封此七人當作十人下文云十  
五年分齊爲六國盡立前所封悼惠王子列侯見在者六人  
爲王是時罷軍甯國信都等已卒皆非見在故不得王

齊孝王將閭以楊虛侯立云云 案六王之立詳見諸侯王王  
子侯各表矣此處可省

以合置八子秩比六百石 案外戚傳八子視千石比中更此  
是諸侯王之八子故秩不同

漢書辨疑卷十七

八

廣雅書局宋

蕭何傳

以文毋害爲沛主吏掾 毋害說各不同案郡國志云凡郡國  
皆掌治民常以春行所主縣勸民農桑秋冬遣無害吏案訊  
諸囚平其臬法劉昭注云律有無害都吏如今言公平吏

秦御史監郡者與從事辨之何迺給泗水卒史事第一 辨治  
也秦時御史監郡郡中事皆與從事共辨之何爲泗水卒史  
卽從事也蘇顏說皆失之

發縱指示獸處者人也 說文無蹤字蹤蹟字古作縱隸釋郭

仲奇碑云有山甫之縱又云徽縱顯魯峻碑云比縱豹產趙

圍合碑云羨其縱高外黃碑云莫與比縱夏承碑云紹縱先  
軌皆是也小顏乃疑非蹤蹟之蹤誤矣



相國爲民請吾苑不許 南雍本闕本吾字在苑下  
坐爲太常儀牲瘦免 儀表作犧說文犧宗廟之牲也賈侍中  
說此非古字或者古亦借用儀

曹參傳

參以中涓從 中涓卽涓人之類國有涓人疇陳勝傳勝故涓  
人將軍呂臣爲蒼頭軍應劭曰涓人如謁者

北擊司馬欣 欣本紀及樊噲傳作巨

乃封參執帛 漢紀作執帛侯非也

擊章平軍於好畤南 平郿之弟

還攻武彊 高帝封莊不識爲武彊侯卽此地

蕭何爲法講若畫一文穎曰講或作較 案講與較同較卽角

漢書辨疑卷十七

九

廣雅

斗角之角說文斗斛也文說是小顏訓講爲和非是

載其清靜 靜南雍本闕本作靖

張良傳

相釐王悼惠王 古今人表作桓惠王

良年少未宦事韓 宦闕本作嘗

建諸公子橫陽君成賢 功臣表傳寬以舍人從起橫陽卽成

戶到地

賜良金百溢 溢古鎰字陳平傳賜金二十溢食貨志云秦兼

天下黃金以溢爲名孟康曰二十兩爲溢

顧上有所不能致者四人 案隸釋云揚子雲法言曰美行園

公綺里季夏黃公角里先生班孟堅敘近古逸民與揚子同



陳畱志云園公姓庾字宣明常居園中因以為號夏黃公姓  
崔名廣隱居夏里號曰黃公角里先生姓周名術或曰霸上  
先生皇甫謐之徒說又相戾故小顏悉棄不取陶淵明詩黃  
綺之南山杜子美詩黃綺終辭漢似亦以夏為地名也惟園  
稱陳畱耆舊傳自序云園公為秦博士避地南山惠太子以  
為司徒至稱十一世漢刻有園公角里先生神坐園公綺里  
季神祚机則圖稱蓋有據也師古以為商山四皓三輔舊事  
云四皓隱于上雒熊耳山是商山即熊耳山

太子將兵有功即位不益 卽史記作則則卽聲相近古字通  
人生一世如白駒之過隙 南雍本閩本世下有閒字

取而寶祠之 寶史記作葆徐廣曰史記珍寶字皆作葆

漢書辨疑卷十七

陳平傳

亦食糠覈耳 廣韻引作糠粃

凡六出奇計 閒疏楚君臣一奇計也夜出女子二千人榮陽

東門二奇計也躡漢王立信為齊王三奇計也偽游雲夢縛

信四奇計也解平城圍五奇計也其六當在從擊臧荼陳豨

黥布時史傳無文

周勃傳

攻蘭虞 史記作蒙虞索隱曰二縣名屬梁國

北救漆 救當從史記作攻

西擊益已軍 益已史記作盜巴

陳豨屠馬邑 陳豨上脫擊字史記及南雍本閩本皆有



勃以相國代樊噲將 時高帝怒噲使陳平卽軍中斬噲故勃  
代之

遼東二十九縣 遼東上史記有遼西二字案地理志遼西縣  
十四遼東縣十八合之得三十二縣較絳侯所定者多三縣  
後又有析置者耳且下云定郡五若無遼西止四郡矣當從  
史記爲是

漁陽二十二縣 當作十二縣  
每召諸生說士 士南雍本闕本竝作事

國絕一年弟亞夫復爲侯 闕本無弟字亞夫上有文帝乃擇  
勃子賢者河內太守十二字

祝茲侯徐厲 當作松茲說見侯表

漢書辨疑卷十七

十一 廣雅書局

直入武庫擊鳴鼓 擊下荀紀有極字

亞夫固爭之不待 待當作得

樊噲傳

賜上聞爵 上云賜爵國大夫賜爵列大夫下云賜爵五大夫  
賜爵卿賜爵封號賢成君文穎以國大夫爲卽官大夫爵第  
六級列大夫爲卽公大夫爵第七級然則上聞爵卽公乘爵  
第八級也下文五大夫爵本第九級卿則左庶長以上封君  
則大庶長之屬矣

噲高后時用事顯權 南雍本闕本無噲字用事顯權謂呂須  
也

酈商傳



賜商爵信成君 案上文已云賜爵封信成君此又重出  
爵乎關內侯 乎南雍本闕本竝作皆

夏侯嬰傳

常踐兩兒棄之 說文𨮒足刺𨮒也讀若撥

關所奪邑五百戶 闕南雍本闕本作賜

灌嬰傳

睢陽販繒者也 睢陽漢紀作洛陽

賜嬰爵列侯號昌文侯食杜平鄉 案絳侯世家云賜與潁陰

侯共食鍾離鍾離地理志屬九江然則杜平鄉當是鍾離鄉

名師古以為杜縣之平鄉非是

所將卒斬右司馬騎將各一人 右司闕本作左右

漢書辨疑卷十七

所將卒虜單騎將軍華毋傷 單騎南雍本闕本竝作車騎

從擊漢王信於代 漢當作韓

傅寬傳

封陽陵侯二千六百戶 侯下當有食邑二字

為齊右丞相 功臣表無右字

靳歙傳

至五石三十九人 五下南雍本闕本皆有百字

子亭嗣有罪 坐事國人過律免

周昌傳

及高祖沛起 沛起二字當乙

以苛為御史大夫 公卿表苛自內史遷則苛曾為內史矣



不然今爲慮矣 慮當作慮

然臣心知其其不可 南雍本闕本皆作然臣期知其不可  
任敖傳

以淮南相張蒼爲御史大夫 曹參傳爲齊丞相此亦當有丞

字

孝景五年薨 蒼之免相表在後二年此亦當云後五年

中曆嘉傳

以材官蹶張 說文趣距也从走厚省聲漢令曰趣張百人蹶

張卽趣張矣

孝文元年舉故以二千石從高祖者悉以爲關內侯食邑二十

四人 案本紀吏二千石以上從高帝雍川守尊等十人食

漢書辨疑卷十七

三 廣雅音同

邑六百戶淮陽守申屠嘉等十人五百戶衛尉足等十人四

百戶紀是三十人傳止二十四人未知孰是

酈食其傳

陳留高陽人也 元始二年封淮陽憲王孫竝爲高陽侯梁孝

王傳云北界秦山西至高陽郡國志陳留圍有高陽亭劉昭

引文穎云高陽聚邑名在圍縣西

欲率諸侯攻秦乎 攻闕本作破

爲人刻印玩而不能授 玩闕本作利

後更食武陽卒子遂嗣 案史記云以父故封疥爲高梁侯後

更食武遂且稱武遂侯平據此則武陽當爲武遂矣表中亦

子名勃而此作遂涉上武遂而譌耳



陸賈傳

欲以區區之越與天子抗衡為敵國 仇南雍本闕本作抗荀

悅漢紀作抗行

女給人馬酒食極飲 飲闕本作欲

臣常欲謂太尉絳侯 謂闕本作語注同

朱建傳

聽梁父侯遂反 梁父泰山縣侯姓遂名也攢說誤

君何不肉袒為辟侯言帝 南雍本闕本俱作辟陽

叔孫通傳

子孫奈何乘宗廟道以行哉 以南雍本闕本作上

淮南王傳

漢書辨疑卷十七

皇帝飢天下正法而許大王 飢猶飢餓也枚舉傳其文飢餓

曲隨其事

野戰次城 次當作攻

觸情妄行不詳 詳與祥同尚書告爾祥刑後漢書劉愷傳引

作詳刑君爽云其終出於不祥蔡邕石經作其道出於不詳

易履上九云視履考祥釋文云本亦作詳

亡之諸侯游宦事人及舍匿者論皆有法 舍匿謂匿於其舍

季布傳購求布千金敢有舍匿罪三族是也是時長收聚漢

諸侯人及有罪亡者匿與居故有是言

及以亡名數自古者 古南雍本闕本竝作占

與棘蒲侯柴武太子奇謀 太子棘蒲侯之太子也奇其名



大夫但士伍開章等 上云男子但猶言妾男子耳此云大夫是民爵第五級張晏以大夫爲但之姓豈士伍亦開章之姓乎必不然矣

列侯吏二千石臣嬰等四十三人議 嬰夏侯嬰也其時灌嬰陳嬰皆前卒

獨斬丞相御史以謝天下迺可 案淮南王之死非丞相御史之故也斬之何爲此句疑有誤字下文云上卽令丞相御史違諸縣傳淮南王不發封餽侍者皆棄市是從爰盎所請矣爰必不請斬丞相御史明甚

吳使者至淮南淮南王欲發兵應之 淮南二字闕本不重

漢亦使曲成侯將兵救淮南 曲成侯蟲達之子名捷小顏以

漢書辨疑卷十七

五 闕雅書同宋

爲名捷非是

作爲內書二十一篇 西京雜記云淮南王安著鴻烈二十一  
篇鴻大也烈明也言大明禮教號爲淮南子一曰劉安子自  
云字中皆挾風霜揚子雲以爲一出一入

多與金錢爲中訶長安 說文訶知處告言之

事下廷尉河南河南治 案壽春嚴正上書言淮南事亦以其  
事下廷尉河南治又衡山王上書告太子不道事亦下沛郡  
治又趙太子丹事亦繫魏郡詔獄與廷尉雜治又廣川王去  
事治鉅鹿詔獄此重河南二字衍文

大臣必徵膠東王不卽常山王 不古否字卽則古通用

衡山王傳



后乘舒死 閩本無乘舒二字

今居外家 今南雍本閩本作合

作輶車鍛矢 說文輶兵車也

遣中尉安大行息 安卽司馬安汲黯姊子所謂文深巧宦四  
至九卿者也息李息也大行下當有合字

蒯通傳

所以不敢事刃於公之腹者師古曰事本作傳 案傳字說文

所無古只作事

先下君而君不利 南雍本閩本不利下竝有之字

通善齊人安其生 漢紀作安期生

伍被傳

漢書辨疑卷十七

十六

廣雅書局本

今我合緩先要成皋之口 緩漢紀作樓緩

故孟子曰紂貴爲天子死曾不如匹夫 今孟子無此文或曰

孟子外篇玩語氣孟子文似只此二句下三句是伍被引伸

之詞王氏藝文志攷證合下三句皆爲孟子外篇非也

江充傳

充出逢館陶長公主行馳道中 陳景雲曰案功臣表館陶公

主子堂邑侯陳季須元鼎元年坐母公主卒服未除云云卽

主卒於元狩之末及江充貴幸主沒已十餘年矣館陶字誤

無疑

後充從上甘泉 後閩本作先

息夫躬傳



太后及弟宜鄉侯馮參皆自殺 弟中山太后弟

諸曹以下僕遯不足數 召南野有死麕云林有樸楸毛傳樸

楸小木也僕遯與樸楸字異音義同言其才小弱不任用

如使狂夫嚶諱於東崖 說文嚶聲嚶嚶也

未有能窺左足而先應者也 窺讀與赴同說文赴半步也俗

或作顛荀子勸學篇云不積跬步無以至千里楊倞曰半步

曰顛

羽檄重迹而押至 押疑是狎之譌

器用暨惡 四牡詩傳暨不堅固也鴉羽詩傳暨不攻緻也

石奮傳

以奮為中涓受書詔 陳平世家云是時萬石君奮為漢王中

漢書辨疑卷十七

涓受平謁即其事也

朕方答氣應 氣闕本作瑞

直不疑傳

拜為御史大夫 據表自衛尉遷

文三王傳

梁懷王揖 揖史記作勝

西至高陽蘇林曰陳畱北縣 注有誤字當云在陳畱圉縣說

詳酈食其傳

大臣及爰盎等有所關說於帝太后 案關說二字起於此篇

又佞幸傳云高祖時則有籍孺孝惠有閔孺俱以婉媚貴幸

與上臥起公卿皆因關說



議格注格音格鬪 鬪本作格者格鬪也

梁相軒丘豹 楚文王庶子食采於軒氏因以為氏見廣韻

弟憂恐 弟南雍本鬪本作帝史記作景帝

參徙為代王復并得太原 參兼王代太原地故地理志大陵

縣屬太原而衛綰傳云代大陵人

凡立四十年薨 表作三十八年此誤

梁其王買立十年薨 案買立於孝景後元年薨於武帝建元

四年表作七年是也此誤

天子遣廷尉賞大鴻臚由 賞方賞由畢由也

賈誼傳

制度定官名 鬪本制下有法字

漢書辨疑卷十七

大 廣雅音同

嗟若先生 若當作苦文選注引應劭曰苦勞苦也

般紛紛其離此郵兮 般字从舟說文般辟也象舟之旋小顏

以為字從丹青之丹謬矣

遙增擊而去之 史記作搖增翮逝而去之大昭案擊即翮也

古擊鬪通用長楊賦桔鬪鳴球韋昭曰古文鬪為擊說文玉

部璣讀若鬪裘部璣讀若擊

單闕之歲四月孟夏徐廣曰文帝六年歲在丁卯 談泰曰依

三統術超辰法推之孝文六年太歲在丙寅單闕之歲是七

年也徐說誤

注此以造化為大鈞也 此以鬪本作以比

忽然為人何足控揣如涓曰揣音團 案揣無團音必作搏字



乃與患字合韻文選作控搏并引如瀆曰搏音團或作揣是如瀆本作搏也小顏變其字而仍其音遂致讀者不可解矣以幸天下 賈誼新書幸作宰

彼自丞尉以上偏置私人 偏新書作偏

日中必蕤 蕤當作蕤注同說文蕤暴乾火也

陛下雖賢誰與領此師古曰領理也 案仲尼燕居云敢問禮

也者領惡而全好者與鄭注領猶治也領治是古訓師古避

諱改爲理

莫不制從 制從新書作從制

家貧子壯則出贅 如瀆注嚴助傳云淮南俗賣子與人作奴

婢者名爲贅子三年不能贖遂爲奴婢說文贅以物質錢从

漢書辨疑卷十七

十九 廣雅書同異

敖貝敖者猶放貝當復取之也質以物相贅从貝从所故漢

之七科謫贅婿同於吏有罪亡命等也小顏謂不當出在妻

家猶人身體之有脫贅失之矣今人以就婚婦家爲贅婿猶

沿小顏之謬說

而禮之所爲生難知也 生問本作用

隼詬亾節 說文隼頭衰貌隼態也从矢

漢書辨疑卷十七終

泮鄉文廷俊南海潘乃成番禺范公詒校字



